



## Komunikado di prensa 2020-019

### CBCS ta designá dos curator temporal den ACU

Willemstad/Philipsburg – Durante un reunion general, e miembronan di e Kooperativa di Spar i Krédito ACU a vota pa un struktura nobo di *governance*. E struktura nobo di *governance* ta permití pa salvaguardá e interesnan di e miembronan di ACU mihó.

Entre tantu, e proseso pa yega na e struktura nobo di maneho a enfrentá retraso. Pa aselerá e implementashon, Centrale Bank van Curaçao en Sint Maarten (CBCS) a designá dos curator temporal den ACU pa asistí e direktiva ku implementashon di e struktura nobo di *governance* riba término kòrtiku. E direktiva aktual di ACU ta keda den funshon.

Ambos curator asigná ta eksperto eksterno ku konosementu di ACU. Mirando nan eksperensia i ekspertisio, nan lo asistí direktiva di ACU riba otro áreanan komersial tambe si tin mester.

Willemstad, 9 di yüni, 2020

CENTRALE BANK VAN CURAÇAO EN SINT MAARTEN